

國謝過祈恩至心皈命

至真无上三十六部尊經自然經戒十方正法諸天祕藏真文寶符侍經仙公仙卿仙伯大夫典儀護法一切靈司伏冀降福九天垂休萬國聖躬和暢實祚遐長齋主某家九代神儀上名丹簡六親族屬列品紫文災厄清消福壽增廣三塗九夜同沐神功得道之後昇入无形和與道合真

太上黃籙齋儀卷之四十一

太上黃籙齋儀卷之四十二

唐廣成先生杜光庭集

士庶消災二十方懺悔

先禮方

次懺悔

東方

臣等伏聞玄化區分超於震域冠五行之首為四序之先與帝道而庶物發生播仁德而群方咸遂今謹有黃籙大齋主某恩酬造化願謝過愆率勵精誠按依科式謹齋青紋之繒一段金龍一枚皈命

東方无極太上靈寶天尊九炁天君東鄉神仙諸靈官竊以恍惚之教妙用難量救黎之方變通叵測朗初陽而臨八極流瀨氣而被九垓下察精虔之心上沾亭毒之惠伏願齋主某家九玄七世名上紫文見在宗親功題青籙長逢聖運永樂克天有識舍生俱蒙玄祐得道之後昇入无形和與道合真

南方
臣等伏聞離德重明真精煥耀佐二儀以運

化騰三炁而生成開氣翳於高空蕩昏冥於遐域齋主某恩酬玄造虔罄丹誠敷列壇場按依科式謹齋絳紋之繒一段金龍一枚皈命

命

南方无極太上靈寶天尊三炁天君南鄉神仙諸靈官竊以大化無私玄恩普洽凝至真於象外流要妙於寰中俯鑿禱祈曲流慈恕伏願齋主某家九玄滯識列字丹文見在親姻題名紫籙得道之後昇入无形和與道合真

西方

臣等伏聞允澤潛流金天乘運悅茲萬物叶覆載之心應彼四時導生成之化群材受職於剛斷庶類取則於義方齋主某荷天地之恩願申崇報思過愆之積志切懺除敷列壇場按依科式謹齋素紋之繒一段金龍一枚皈命

西方无極太上靈寶天尊七炁天君西鄉神仙諸靈官竊以玄化多方有求必應至公惟一無感不通凡所虔祈實希昭祐伏願齋主

某家九玄神識遷上朱陵見在宗親記名玄
圓得道之後昇入无形和與道合真

北方

臣等伏聞啓至陰而兆運習盛德於坎宮萬
物得以歸休群方資而靜息齋主某恩酬玄

化載竭丹誠敷列壇場按依科式謹齋玄紋
之縉一段金龍一枚皈命

北方无極太上靈寶天尊五炁天君北鄉神

仙諸靈官恩沾品物總御神明德被萬生普
加幽顯凡所祈向克獲咸通伏願齋主某

家往世靈儀道遙道境見在春屬福祿攸宜
一切有情普沾真祐得道之後昇入无形和
與道合真

東北方

臣等伏聞造化循環始終良域生成品類混

合神明動靜隨時變通應感齋主某恩酬照
育願謝愆尤敷列壇場仰遵科式謹齋黃紋
之縉一段金龍一枚皈命

東北方无極太上靈寶天尊梵炁天君東北
鄉神仙諸靈官竊以至精獨立為化物之祖

宗真一周行演度人之法則凡所皈向必獲
照臨伏願齋主某家先遠魂神上登清境見
存烟屬長處稱庭齋勸舍生克蒙安泰得道
之後昇入无形和與道合真

東南方

臣等伏聞大化無私周流八域布異齊之令
對乾健之方制度所以及人風教因而被物
齋主某恩酬玄化載竭丹誠敷列壇場按依
科式謹齋黃紋之縉一段金龍一枚皈命

東南方无極太上靈寶天尊梵炁天君東南
鄉神仙諸靈官竊以谷神之體赴響應而不

窮樂齋之心隨運動而無竭伏願齋主某家
七玄滯爽昇入朱宮九族宗裡求沾鴻福得
道之後昇入无形和與道合真

西南方

臣等伏聞黃中啓運博厚分形動植所以資
生品類因而區別長川浩邈難窺四極之涯

大野蒼茫莫盡八荒之際今謹有黃籙大齋
主某恩酬覆育願謝愆尤爰備熏修按依科
式謹齋黃紋之縉一段金龍一枚皈命

西南方无極太上靈寶天尊梵炁天君西南
鄉神仙諸靈官竊以高真上聖妙用無方羽
駕雲轡出無入有惠加動息恩溥沉潜伏願
齋主先世神儀超昇淨域見存烟眷福祐暗
滋凡百生靈克蒙玄祐得道之後昇入无形
和與道合真

西北方

臣等伏聞乾象尊崇始生群化保剛健之體
合太和之方四德周流人神正其性命六龍
飛伏陰陽得以變通今謹有黃籙大齋主某

荷覆載之恩感陶甄之賜伏慮前生今世旋
積過愆勵志焚修冀蒙洗滌謹齋黃紋之縉
一段金龍一枚皈命

西北方无極太上靈寶天尊梵炁天君西北
鄉神仙諸靈官竊以至真寂寞靡不照臨玄

道杳冥皆垂鑒祐伏願齋主某家宗裡滯爽
鍊質上宮眷屬親緣咸蒙貞吉得道之後昇
入无形和與道合真

上方

臣等伏聞太虛家邈玄象宮崇下列二十八

天上包三十五分星辰得以環照日月麗而
流輝既鼓之以雷霆又灑之以雲雨冠大羅
而廣覆極空洞以高臨今謹有黃籙大齋主
某荷含育之恩思崇報之禮謹齋碧紋之繒
一段金龍一枚皈命

上方无極太上靈寶天尊三十六天帝君玄
都玉京紫微金闕三清三界梵炁天君上鄉
神仙諸靈官竊以琳宮瓊闕秘妙難窮上聖
高真變通無迹精誠一啓渥澤遐敷伏願齋
主某家九世魂儀昇離幽府六親族屬安處
福鄉庶類有生普垂陰祐得道之後昇入无
形和與道合真

下方

臣等伏聞沉凝構象下極重陰四溟何足擬
其深九澤焉能並其奧今謹有黃籙大齋主
某思酬履載爰備熏修數列黃壇按依玄式
謹齋黃紋之繒一段金龍一枚皈命
下方无極太上靈寶天尊九壘土皇四司五
帝下鄉神仙諸靈官竊以一炁昇淪高卑定
位二儀剖判神化施行陶冶之用有方感應

之私無迹伏願齋主某家九玄神識位上朱
宮居世姻親名題丹籙得道之後昇入无形
和與道合真

日宮

臣等伏聞太陽耀德照燭無私入虞谷以潛
暉出咸池而吐曜飛騰八虛之外煥爛六合
之中或蒼蒼於秋容乍遲遲於春色齋主某
荷無私之照思崇報之誠至心皈命
日宮皇君明皇真人丹霞玉女日宮神仙諸
靈官伏以真靈高潔人道卑微仰蒙鑒燭之
恩豈無塵瀆之過乞垂赦免從此自新身得
光明與太陽同景得道之後昇入无形和與
道合真

月宮

臣等伏聞太陰垂象盈缺有常旋迴太虛照
臨宇宙環暉乍分於二八之夜璧彩將滿於
三五之時愬此晦明定其律度今謹有黃籙
大齋主某荷無私之鑒思崇報之誠至心皈
命
月宮皇君素皇真人散暉玉女月宮神仙諸

靈官伏以真靈高潔人道卑微仰蒙照燭之
恩豈無塵瀆之過乞垂赦免許以自新身得
光明與太陰同景得道之後昇入无形和與
道合真

星宮

臣等伏聞陰陽分照爰次星躔一十二宮仰
制度於中斗二十八宿定樞機於北辰至乃
玉兔騰暉金烏戢曜共燦煌於穹蓋各燦爛
於圓羅動植因以區分生靈得而稟受今謹
有黃籙大齋主某荷照臨之賜申崇報之誠
凡所興居寧無塵犯至心皈命
諸天星宿璇璣北辰周天三百六十五度星
君星中真人神仙諸靈官乞蒙赦免從此自
新身得光明與星宮同景得道之後昇入无
形和與道合真

東嶽

臣等伏聞青春為四時之首木德表五行之
先嗟峨對角亢之方會崇等齊魯之分今謹
有黃籙大齋主某至心皈命
東嶽泰山青帝真君神仙諸靈官切慮塵穢

上犯真靈乞從首謝賜蒙福祐得道之後昇入无形和與道合真

南嶽

臣等伏聞大德盛於南方衡嶽標其雄鎮上當井鬼旁注湘沅絕壑積嵐萬重連峯橫瑞雲千里今謹有黃錄大齋主某至心皈命南嶽衡山赤帝真君神仙諸靈官切慮塵穢上犯真靈乞從首謝賜蒙福祐得道之後昇入无形和與道合真

西嶽

臣等伏聞西方秋景盛德惟金太華尊崇削成萬仞巖連倚空在翠嵐之頂仙掌捧日於白雲之中今謹有黃錄大齋主某至心皈命西嶽華山白帝真君神仙諸靈官切慮塵穢上犯真靈乞從首謝賜蒙福祐得道之後昇入无形和與道合真

北嶽

臣等伏聞位膺水德乃鎮北方臨虛危之邦橫幽薊之野千崖競聳吐雲雨於空濛萬壑爭馳蔽煙景而兼積今謹有黃錄大齋主某

至心皈命

北嶽恒山黑帝真君神仙諸靈官切慮塵穢上犯真靈許從首謝賜蒙福祐得道之後昇入无形和與道合真

中嶽

臣等伏聞五行之尊莫惟土德上當辰極下鎮雄都向背而雲壑千層峭拔而煙岑萬丈今謹有黃錄大齋主某至心皈命中嶽嵩山黃帝真君神仙諸靈官切慮所犯上觸真靈乞從首謝賜蒙福祐得道之後昇入无形和與道合真

水府

臣等伏聞大川騰注天漢飛流馳不測之波瀾益無涯之浩漫鯨鯨得以游泳龜龍因以伏藏鼓潮濤而順陰陽起煙雲而佐天下潤之功逾廣上善之德攸歸今謹有黃錄大齋主某至心皈命

水府扶桑大帝賜谷神王三河四海九江水帝十二河源水府神仙諸靈官切慮塵穢上犯真靈乞從赦免賜垂福祐得道之後昇入

无形和與道合真

經寶

臣等伏聞道運宣行大聖垂迹金書玉字鳳篆龍章寶錄靈圖神方秘訣修之則易凡心而登聖道行之則棄塵穢而躡雲衢科法嚴明非賢不授今謹有黃錄齋主某至心皈命无上至尊三十六部尊經真文寶符諸天秘藏十方正法侍衛經典一切靈司恐前代今生犯違正道無邊之罪咸乞蕩除萬聖垂祥千真介福存亡俱泰祿壽增延九夜三塗同沾玄規得道之後昇入无形和與道合真

太上黃錄齋儀卷之四十二